

御纂醫宗金鑑卷六

編輯外科心法要訣目錄

舌部

紫舌脹

痰包

舌衄

重舌

痰核

重腭

舌疔

舌疳
附癰瘰風

喉部

緊喉風
附纏喉風

慢喉風

喉閉
附酒毒喉閉

啞痺喉風

弄舌喉風

喉疳

喉癰

上腭癰

鎖喉毒

乳蛾

喉瘤

胸乳部

喉瘤

膈中疽

脾發疽

井疽

蜂窩疽

蠱疽

瘰癧疽

內外吹乳

乳疽

乳癰

乳發

乳漏

乳中結核

乳勞

乳岩

御纂醫宗金鑑卷六

編輯外科心法要訣

舌部

紫舌脹

紫舌脹屬心經火熱盛血壅腫硬疼舌腫滿口宜鍼刺血色紫重色紅輕

註此證由心經火盛血壅以致舌腫滿口堅硬疼痛宜用衣

鍼紫筋頭上露鋒分許當舌刺數十刺令血出紅色者輕

紫色者重隨以溫水漱口搽冰硼散內用涼膈散去朴消

大黃加牛蒡子荆芥倍用梔子服之甚效

冰硼散

見口部

涼膈散

見面部
面發毒

痰包

痰包每在舌下生結腫綿軟似匏形扁脹舌下妨食語火稽痰涎流注成

註

此證生於舌下結腫如匏光軟如綿塞脹舌下有妨飲食

言語色黃木痛由火稽痰涎流注而成宜用立剪當包上

剪破出痰涎如雞子清稠黏不斷拭淨搽冰硼散服加味

二陳湯忌煎炒火酒等物

加味二陳湯

陳皮

半夏製

白茯苓

黃芩

各八分

黃連

薄荷

甘草

生各五分

水二鍾薑三片煎八分食前服

方歌加味二陳療痰包結腫舌下形如匏二陳湯加芩連薄荷薑

煎服下自然消

冰硼散

見口部
驚口瘡

舌衄

舌衄心火血分炎舌上生孔似鐵尖或如筋頭其色紫甚黑腐

爛血出泉

註此證係舌上忽生孔小者如鍼尖大者如筋頭其孔色紫屬熱甚色黑防腐爛血出如泉湧由心火上炎以致血熱妄行而成宜服升麻湯兼搽必勝散甚效

升麻湯

升麻

小薊根

茜根 各一兩五錢

艾葉

七錢五分

寒水石

三兩

共研每三錢水一鍾煎七分澄去渣入生地黃汁一羹匙再煎二滾溫服或加炒側柏葉五錢亦可

方歌

升麻舌衄心火炎小薊茜根各兩半艾葉七錢五分加寒

水三兩同研爛

必勝散

螺青

另研

蒲黃

各一錢炒

共合一處研細搽於患處後用溫鹽湯漱口

方歌必勝心熱血妄行舌生小孔湧血紅螺青研末蒲黃炒同

勻搽之自歸經

重舌

痰核

重腭

舌疔

舌證發於心脾經其證皆由積熱成重舌舌下血脈脹痰核舌上一核生重腭生於口上腭時覺心煩梅子形舌疔舌上生紫炮其形如豆寒熱增

此證無論大人小兒俱可以生重舌者由心脾蘊熱循經

上冲舌本遂令舌下血脈脹起如小舌狀故名重舌宜用
冰硼散搽之痰核者心脾痰涎鬱熱舌上生核強硬作痛
宜用衣鍼點破搽冰硼散內服加味二陳湯重舌者心脾
有熱以致上腭生瘡形如梅子外無寒熱內時作煩此屬
熱極禁用鍼刺宜服黃連解毒湯加桔梗不時用紫雪散
噙化舌疔者心脾火毒舌生紫皰其形如豆堅硬寒熱疼
痛應心初起宜用蟾酥丸含於舌下隨化隨嚥或再服三
粒以解內毒甚者刺之服黃連解毒湯兼搽紫雪散及徐
徐嚥之即愈

紫雪散

犀角 鎊

羚羊角 鎊

石膏

寒水石

升麻 各一兩

元參 二兩

甘草 八錢

沉香 判

木香 各五錢

水五盃煎藥刺湯一盃將渣用絹濾去將湯再煎滾投提

淨朴消三兩六錢文火慢煎水氣將盡欲凝結之時傾入

盃內下硃砂冰片各三錢金箔一百張各預研細和勻將

藥盃安入凉水盆中候冷凝如雪爲度大人每用一錢小

兒二分十歲者五分徐徐嚥之卽效或用淡竹葉燈心煎

湯化服亦可咽喉腫痛等證吹之亦效

方歌紫雪散醫積熱效沉木犀鈴元參草寒水升膏朴消加硃

鉛水研入內攪

水礪散

見口部
驚口瘡

加味二陳湯

見痰包

黃連解毒湯

見耳部
黑片

蟾酥丸

見走瘡門

舌疳

附瘰癧風

舌疳心脾毒火成如豆如菌痛爛紅漸若泛蓮難飲食綿潰久
變瘰癧風

詞此證由心脾毒火所致其證最惡初如豆次如菌頭大蒂

小又名舌菌疼痛紅爛無皮朝輕暮重急用北庭丹點之

自然消縮而愈若失於調治以致喉腫漸如泛蓮或有狀如雞冠舌本短縮不能伸舒妨礙飲食言語時津臭涎再因怒氣上冲忽然崩裂血出不止久久延及項領腫如結核堅硬舉痛皮色如常頂輒一點色暗木紅破後時津臭水腐如爛棉其證雖破堅硬腫痛仍前不退此爲綿潰甚至透舌穿腮湯水漏出是以又名癰癰風也蓋舌本屬心舌邊屬脾因心緒煩擾則生火思慮傷脾則氣鬱鬱甚而成斯疾其證外勢頗類喉風但喉風咽喉常腫湯水不能下嚥此證咽喉不腫可以下嚥湯水胃中亦思飲食因舌不能轉動迭迭硬食故每食不能充足致令胃中空虛而

怯證悉添日漸衰敗初起宜服導赤湯加黃連虛者服歸脾湯熱甚者服清涼甘露飲合歸脾湯便溏者服歸芍異功湯領下腫核初起宜用錦地羅蘸醋磨濃敷之潰後宜水澄膏貼之自古治法雖多然此證百無一生縱施藥餌不過苟延歲月而已

清溪秘傳北庭丹

番礪砂

人中白

各五分

瓦上青苔

瓦松

塘雞矢

各一錢

用傾銀罐子二箇將藥裝在罐內將口封嚴外用鹽泥封

固以炭火煨紅待三炷香爲度候冷開罐將藥取出入麝

香冰片各一分共研細末用碎銀刺破舌齒用丹少許點
上再以蒲黃蓋之

方北庭丹點舌齒生瓦松塘雞矢人中元上青苔番礪末罐

封火煨入麝冰

歸苦異功湯

人參

白朮

土炒

廣陳皮

白芍

酒炒

當歸身

各一錢

白茯苓

二錢

甘草

五分

燈心五十寸水煎空心服

方歸苦異功扶脾氣健胃又能止瀉利四君歸芍廣陳皮引

加燈心是良劑

水澄膏

硃砂二錢
水飛

白及

白歛

五倍子

鬱金各一兩

雄黃

乳香名五錢

右為細末米醋調濃以厚紙攤貼之

方歌
水澄膏貼潰核驗水飛硃砂末二錢及歛鬱金雄黃乳五

倍同研用醋攤

導赤湯見口部
口糜

歸脾湯見乳部
乳中結核

清涼甘露飲見唇部
齒唇

喉部

緊喉風 附纏喉風

緊喉膏梁風火成咽喉腫痛難出聲聲如拽鋸痰壅塞穴刺少商吐下功

註

此證由膏梁厚味太過致肺胃積熱復受邪風風熱相搏上壅咽喉腫痛聲音難出湯水不下痰涎壅塞之聲頗似拽鋸初發暴速急刺手大指內側少商穴出紫黑血以瀉其熱痰盛者以桐油餞導吐之吐痰後隨用甘草湯漱之以解桐油之氣內服雄黃解毒丸吐下之喉中吹白降雪散俟關開之後內宜服清咽利膈湯按法調治隨手應效